

VIEFDE ZUNDAG VAN HAARS 18den oktober 2020 9.30 Scheemda

### Veurberaaiden

Ientochtslaid Ps 118: 1.5

- 1 De HEER is goud, loat elk Hom eren:  
zien goudhaid geldt ien aiweghaid.  
Loat Isrel zeggen, Hom ter ere:  
zien goudhaid geldt ien aiweghaid.  
Loat ook Aärons kiender zeggen:  
zien goudhaid geldt ien aiweghaid.  
loat dij de HERE vrezén, zeggen:  
zien goudhaid geldt ien aiweghaid.
- 5 Mien *psalm en staarkte is de HERE*,  
dij *mie zien haail en zegen* brengt.  
Heur, *hou zien volk, om Hom te eren*,  
nou *t laid van overwinnen* zingt:  
"Zien *rechterhaand dut grode doaden*,  
de *HEER zien haand verhoogt mit macht*,  
joa, *sHEREN rechterhaand dut doaden*,  
dij *spreken van zien grode kracht*."

### Votum en Groutnis

Begunlaid Ps&Gez 182 / LB 213: 1.2.4

- 1 Mörgenlicht van aiweghaid,  
licht van veur t begun van tieden,  
wil, nou dag weer open gaat,  
mit joen schienen ons verblieden  
en verdrieven deur joen macht  
onze nacht!
- 2 Loat as gruizoam' mörgendaauw  
joen genoade bie ons komen  
en loat dreug en dörsteg baauw  
zo vannijs tot leven komen,  
zet joen volk weer liek ien t èn  
zunder èn.
- 4 Loat ons op de jongste dag,  
Hemellicht dat veur ons opgaait,  
opstoan, en verbie aan nacht,  
as gain duuster ons ien weeg staat,  
mitgoan noar joen heerlek feest  
staark van geest.

### Kyrië en Gloria

Smeekgebed veur nood van wereld

Gloria Ps & Gez 194 / LB 713

- 1 God mout wie ere geven  
halleluja,  
veur ale gouds ien t leven  
halleluja,  
al bin wie ook verdreven

wied van joen haailegdom,  
joen zegen blief Ie geven  
halleluja.

3 Al mout wie veul verduren  
kyrie eleison,  
wil t haaidenvolk ons knuren  
ien t laand van Babylon,  
zit hemel achter deuren  
veur mensken doof en stom,  
ons loflaid blief Ie heuren  
van stem en fluit en trom.

5 God mout wie ere geven  
halleluja,  
de Heer van ale leven  
dij leeft ien gloria,  
mit elk en ain ien wereld  
zing wie ons hoogste laid,  
God mout wie ere geven  
halleluja.

#### Rondom t Woord

Zundagsgebed / Biebellezen Ezra 3,10- 4,5(7); 4,24- 5,5a  
Ps 136: 1.15.16.18

1 Pries de HEER want Hai is goud,  
pries Hom mit een blied gemoud,  
pries toch zien goudgunsteghaid,  
want dij duurt ien aiweghaid!

15 Zien *beloftes wazzen* wis,  
Hai gaf *t volk zien* aarvenis,  
pries toch *zien goudgunsteghaid*,  
want dij *duurt ien aiweghaid*!

16 Dij ien *t lieden om ons* docht,  
het ons *zulf ien* vrijhaid brocht,  
pries toch *zien goudgunsteghaid*,  
want dij *duurt ien aiweghaid*!

17 Aal wat *leeft, leeft oet zien* hand,  
Hai holdt *aal zien* waark ien stand,  
pries toch *zien goudgunsteghaid*,  
want dij *duurt ien aiweghaid*!

18 Breng dij *God ien hemel* eer,  
daank en *pries Hom* haultied weer,  
pries toch *zien goudgunsteghaid*,  
want dij *duurt ien aiweghaid*!

## Preek

Ps & Gez 33 / LB 176: 1.3.5

- 1 Om Sions wil hol k mie nait stil,  
oet laifde kin k nait swiegen,  
Jeruzalem, doe heurst mien stem,  
van God zelst gunsten kriegen;  
zo gaauw dien licht verschenen is,  
en t onrecht wied verdwenen is,  
en fakkels stoan ien riegen.
- 3 As nuver wicht dij aanzuik krigt,  
is Sion ien Gods ogen.  
As jonge vraauw ien laifde traauw,  
zel zai de Heer verhogen,  
nou t laand nait meer verloaten ligt,  
en bruloft stee op stroaten krigt,  
en t veujoar is ien hoven.
- 5 Den steelt ien hòf gainain wat òf,  
t beschot<sup>1)</sup> gaait nait verloren.  
Doe komst ter ien mit brood en wien,  
ien t hoes deur God verkoren.  
Dij zaaid het, et van t aigen laand.  
Dit het God bie zien rechterhaand  
as aid aan Isrel sworn.

<sup>1)</sup> *beschot = opbrengst*

## Beden en Geven

Dankgebed

Veurbeden

Stil gebed

Onze Voader

Voader van ons dij ien hemel is,  
Loat joen Noam haailegd worden,  
Loat joen keunencriek komen,  
Loat joen wil doan worden  
ien wereld net zo as ien hemel.  
Geef ons vandoag t brood  
doar wie verlet om hebben.  
En vergeef ons ons zunden  
zo as ook wie vergeven dij ons te kort doun.  
En breng ons nait ien verlaaiden,  
mor verlös ons van de boze.  
Joenent is ja t keunencriek  
en kracht en heerlekhaid  
ien der aiweghaid. Oamen.

Buul gait rond:

Slötlaid:

Ps 150

- 1 Halleluja, zing Gods lof!  
Pries Hom ien zien haaileg hof,  
pries Hom, dij ien hemel troont,  
pries Hom, dij ien hooghaid woont,  
pries Hom, geef Hom lof en ere,  
pries Hom veur zien grode kracht,  
pries Hom, Hai het ale macht.  
Halleluja, pries de Here!
  
- 2 Pries God *op elk ieninstrument*,  
pries Hom, *moak zien naam* bekend,  
pries Hom *op joen hoorn* en fluit,  
op joen *citer en joen luit*,  
mit *triangels Hom ter ere*.  
Pries Hom *haile wereld* rond,  
pries Hom *mit joen haart en mond*.  
Halleluja, *pries de Here!*

### Zegen